



Broj: 0101-4806-7/19

Sarajevo, 09. 07. 2019. godine

Na osnovu članova 69. stav 1. tačka a) i 70. stav 1., 3. i 6. Zakona o javnim nabavkama („Službeni glasnik BiH“ broj: 39/14) i člana 62. Statuta Univerziteta u Sarajevu, nakon provedenog otvorenog postupka za javnu nabavku robe – Blade server, nadogradnja, na preporuku Komisije za javnu nabavku broj: 0101-4806-6/19 od 8. 7. 2019. godine, rektor Univerziteta u Sarajevu je donio

ODLUKU o izboru ponuđača i dodjeli ugovora

Član 1.

Prihvata se preporuka Komisije za javnu nabavku broj: 0101-4806-6/19 od 8. 7. 2019. godine i ugovor o javnoj nabavci robe – Blade server, nadogradnja, na Univerzitetu u Sarajevu, **dodjeljuje ponuđaču PING d.o.o. Sarajevo**, ulica Jukićeva 36, 71000 Sarajevo, čija ukupna cijena ponude iznosi 129.950,00 KM (slovima: *stotinudvadesetdevethiljadadevetstopedesetkonvertibilnihmaraka i 00/100*) bez PDV-a, što sa uračunatim PDV-om iznosi 152.041,50 KM (slovima: *stotinupedesetdvijehiljadečetredesetjednakonvertibilnamarka i 50/100*), iz razloga što je u otvorenom postupku javne nabavke, dostavio prihvatljivu ponudu.

Član 2.

U tački 12. Zapisnika o pregledu i ocjeni ponuda broj: 0101-4806-6/19 od 8. 7. 2019., koji se nalazi u prilogu ove Odluke, Komisija za javnu nabavku konstatovala je da je ponuđač **PING d.o.o. Sarajevo** u ponudi dostavio i ovjerene kopije/originalne svih dokaza o kvalificiranosti traženih tačkom 13.1. i 13.3. Tenderske dokumentacije, pa se izabrani ponuđač oslobađa obaveze naknadne dostave originala ili ovjerenih kopija dokaza traženih tačkom 13.1. i 13.3. Tenderske dokumentacije.

Član 3.

Ova Odluka će biti objavljena na web stranici Univerziteta u Sarajevu www.unsa.ba, istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama.

O b r a z l o ž e n j e

Na osnovu Odluke o pokretanju postupka javne nabavke broj: 0101-4806-1/19 od 10. 6. 2019. godine, Univerzitet u Sarajevu je pokrenuo postupak za javnu nabavku robe – Blade server, nadogradnja.

Za provođenje postupka javne nabavke, Odlukom broj: 0101-4806-2/19 od 10. 6. 2019. godine imenovana je Komisija za provođenje predmetnog postupka javne nabavke.

Obavještenje o javnoj nabavci broj: 999-1-1-56-3-54/19 objavljeno je na Portalu javnih nabavki dana 11. 6. 2019. godine. Istog dana, na Portalu javnih nabavki objavljena je i Tenderska dokumentacija broj: 0101-4806-3/19 od 10. 6. 2019. godine. Sažetak Obavještenja o javnoj nabavci broj: 999-1-1-56-3-54/19, objavljen je u „Službenom glasniku BiH“ broj: 41/19 od 14. 6. 2019. godine.

Ugovorni organ je dana 19. 6. 2019. godine izvršio *prvu izmjenu Tenderske dokumentacije* broj: 0101-4806-3/19 od 10. 6. 2019. godine zbog uočenih tehničkih grešaka na Prilozima V, VI i VIII. Dana 25. 6. 2019. godine Ugovorni organ je izvršio i *drugu izmjenu Tenderske dokumentacije* broj: 0101-4806-3/19 od 10. 6. 2019. godine i broj: 0101-4806-3-1/19 od 19. 6. 2019. godine zbog tehničke greške na Prilogu II – obrazac za cijenu ponude. Ugovorni organ je utvrdio da je, pri izradi tehničke specifikacije pod stavkom 1. došlo do dupliranja komponente koja se odnosi na Ugrađeno sistemsko upravljanje te je izvršio brisanje jedne neodgovarajuće komponente koja se ne odnosi na predmet javne nabavke.

Iz *Izvjestaja o preuzimanju tenderske dokumentacije* od strane ponuđača, kreiranog sa Portala javnih nabavki dana 2. 7. 2019. godine u 10:01 sati, vidljivo je da su, u periodu koji je ostavljen za dostavljanje ponuda (do 2. 7. 2019. godine), Tendersku dokumentaciju broj: 0101-4806-3/19 od 10. 6. 2019. preuzeli sljedeći potencijalni ponuđači: Amplitudo doo, Imtec d.o.o. Sarajevo, BBS Europe, Ekapija doo, Bosnien Business Systems, Mibo komunikacije d.o.o., Prointer ITSS d.o.o., Instruments, CSC d.o.o., Aspo Rail d.o.o., Avacom Group d.o.o., Comtrade System Integration d.o.o., Ping d.o.o., QSS d.o.o., Godimerc d.o.o, KJKP "Sarajevogas" d.o.o. Sarajevo.

Iz *Izvjestaja o preuzimanju tenderske dokumentacije*, vidljivo je da su prvu izmjenu Tenderske dokumentacije broj: 0101-4806-3-1/19 od 19. 6. 2019. godine preuzeli sljedeći ponuđači: Ping d.o.o., BBS Europe, Emado d.o.o. Sarajevo, Ekapija doo, S Consalting d.o.o Mostar, Telegroup d.o.o. Sarajevo, Rebus d.o.o., Digitarija d.o.o. Društvo za zavjetovanje i usluge u informatici.

Iz *Izvjestaja o preuzimanju tenderske dokumentacije*, vidljivo je da su drugu izmjenu Tenderske dokumentacije broj: 0101-4806-3-2/19 od 25. 6. 2019. godine preuzeli sljedeći ponuđači: Imtec d.o.o. Sarajevo, Aspo Rail d.o.o., Ping d.o.o., Ekapija doo, Digitarija d.o.o. Društvo za zavjetovanje i usluge u informatici, BBS europe, CSC d.o.o.

Iz *Izvjestaja o pitanjima i odgovorima u vezi sa tenderskom dokumentacijom*, kreiranog sa Portala javnih nabavki dana 2. 7. 2019. godine u 12:44 sati, vidljivo je da u periodu koji je ostavljen za dostavljanje pitanja i odgovora, od strane potencijalnih ponuđača, nije bilo postavljenih pitanja i zahtjeva za pojašnjenje tenderske dokumentacije.

Na Tendersku dokumentaciju nije bilo žalbi od strane potencijalnih ponuđača.

Iz Zapisnika o otvaranju ponuda vidljivo je da je dana 2. 7. 2019. godine u 10:15 sati, Komisija za javnu nabavku, izvršila javno otvaranje blagovremeno dostavljene ponude sljedećeg ponuđača:

R.br.	Naziv i sjedište ponuđača	Broj prijemnog protokola	Datum i vrijeme prijema ponude
1.	PING d.o.o. Jukićeva 36, 71000 Sarajevo	0101-6085/19	1.7.2019. godine u 15:05 sati

U zapisniku o otvaranju ponuda je konstatovano da nije bilo neblagovremenih ponuda.

Na javnom otvaranju ponuda bio je prisutan predstavnik ponuđača PING d.o.o. Sarajevo, Jukićeva 36, 71000 Sarajevo.

Na javnom otvaranju ponuda, od strane članova Komisije i ostalih prisutnih nije bilo primjedbi na postupak otvaranja i ostale priopćene informacije.

Zapisnik sa javnog otvaranja ponuda je sačinjen isti dan (2. 7. 2019. godine) te istog dana dostavljen ponuđaču putem e-maila i poslat putem pošte.

U Zapisniku o otvaranju ponuda je sačinjen sažetak ponude primljene u roku:

R.br.	Naziv i sjedište ponuđača	Ponuđeni popust	Ukupna cijena ponude
1.	PING d.o.o. Jukićeva 36, 71000 Sarajevo	0,00 KM	Bez PDV-a: 129.950,00 KM Sa PDV- om: 152.041,50 KM

Iz Zapisnika Komisije za javnu nabavku vidljivo je da je Komisija započela sa pregledom ponude dana 3. 7. 2019. godine, radi ocjene ponude, odnosno da bi utvrdila da li je ponuđač ispunio uslove iz članova 45. do 49. Zakona o javnim nabavkama koji su traženi Tenderskom dokumentacijom, kao i da bi utvrdila da li je ponuđač dostavio tehnički zadovoljavajuću ponudu, te da li je kvalifikovan za nabavku predmetne robe. Vidljivo je i da Komisija nije imala nejasnoća vezano za ponudu ponuđača.

Nakon pregleda ponuda, Komisija za javnu nabavku ocijenila je da ponuđač PING d.o.o. Sarajevo ispunjava uslove za kvalifikaciju tražene Tenderskom dokumentacijom, pa je Komisija ponudu ocijenila kao **prihvatljivu**.

U cilju ocjene ispunjavanja uslova za primjenu preferencijalnog tretmana domaćeg, nakon pregleda ponude, Komisija je utvrdila da ponuđač PING d.o.o. Sarajevo nije dostavio potvrdu Vanjskotrgovinske komore ili druge nadležne privredne komore da najmanje 50% ukupne vrijednosti od ponuđenih roba imaju porijeklo iz Bosne i Hercegovine, o čemu se ponuđač izjasnio i u okviru Obrasca za ponudu – Prilog I, pa je na osnovu toga ocijenila da se na ponudu ponuđača PING d.o.o. Sarajevo, **ne primjenjuje preferencijalni tretman domaćeg**.

Iz Zapisnika o pregledu i ocjeni ponuda je vidljivo da je Komisija za javnu nabavku, nakon provjere računске ispravnosti ponude, utvrdila da u ponudi nije bilo računskih grešaka, odnosno da je ponuda ponuđača: PING d.o.o. Sarajevo, **računski ispravna**.

Iz Zapisnika Komisije za nabavku vidljivo je da je za predmetnu nabavku u Obavještenju o nabavci broj: 999-1-1-56-3-54/19 od 11. 6. 2019. godine kao i Tenderskom dokumentacijom broj: 0101-4806-3/19 od 10. 6. 2019. godine, predviđeno provođenje e-aukcije kroz sistem e-nabavke. Međutim, s obzirom da je zaprimljena jedna ponuda, Komisija je konstatovala da u skladu sa članom 3. stav 3. Pravilnika o uslovima i načinu korištenja e-aukcije („Službeni glasnik BiH“ broj: 66/16) u slučaju prijema jedne prihvatljive ponude, **e-aukcija se ne može zakazati**, nego se postupak okončava u skladu sa članom 69. Zakona.

Na osnovnu navedenog, Komisija za provođenje postupka javne nabavke dala je preporuku rektoru Univerziteta u Sarajevu da za nabavku robe – Blade server, nadogradnja, donese odluku o izboru i dodijeli ugovor ponuđaču PING d.o.o. Sarajevo čija ukupna cijena iznosi: 129.950,00 bez PDV-a (slovima: *stotinudvadesetdevethiljadadevetstopedesetkonvertibilnihmaraka* i 00/100), što sa uračunatim PDV-om iznosi: 152.041,50 (slovima: *stotinu pedesetdvijehiljadečetredesetjednakonvertibilnamarka* i 50/100), iz razloga što je u otvorenom postupku javne nabavke dostavio prihvatljivu ponudu.

Iz naprijed navedenih razloga, primjenom člana 64. stav 1. tačka b) i člana 69. stav 1. tačka a) Zakona o javnim nabavkama, prihvaćena je preporuka Komisije za javnu nabavku i odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ovog ugovornog organa u pisanoj formi. Žalba se podnosi u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama.

REKTOR

[Signature]
prof. dr. Rifat Škrijelj



Dostaviti:

1. PING d.o.o. Sarajevo, Jukićeva 36, 71000 SARAJEVO
2. Prorektor za finansije
3. Generalni sekretar
4. Služba za računovodstvo i finansije – POC
5. Služba za javne nabavke
6. web stranica UNSA
7. a/a

Prilog:

- Zapisnik o pregledu i ocjeni ponuda